

faire sur ses habitants aucune exaction, aucune taille, etc. Quoique dans le préambule on lise le mot *concessa*, il semble, à la

nebat quislibet ab emptore percipere integras venditiones que superius sunt expresse. Alii vero accensatores, scilicet secundus, vel tertius, et deinceps, nullas venditiones aut laudes percipient de eisdem.

11. Item. Burgenses et habitatores in dicta franchesia possunt debitorem suum vel fidejussorem pignorare, et etiam vendere pignora in foro dicte ville; et si negetur pignus venditum, debet probare venditor venditionem, si hoc ab eo infra quadraginta dies exigatur. Ex tunc autem debet sibi credi per juramentum sine alia probatione. Si etiam recredientia petatur a debitore vel a fidejussore pignorado, infra octo dies post captionem pignoris, si super sancta Dei Evangelia juraverit quod creditori in aliquo non tenetur, debet fieri recredientia, datis tamen bonis et securis fidejussoribus in manu creditoris vel ejus mandati pro recredientia ei facta.

12. Item. Si querela, contentio vel rixa inter homines dicte ville forte emerit, quislibet potest eas pacificare.

13. [Item.] Si prior dicte ville alicui terras ad censum annualem dederit, debet sibi et heredibus suis in pace remanere; et si obedientarius ecclesie etiam idem fecerit de assensu prioris, sibi de cetero remaneant pacifice et quiete.

14. Item. Si querela emerit inter milites et burgenses dicte ville, et clamor ad curiam prioris devenerit, debent a dicto priore sine emenda judicari.

15. Item. Si quis conqueratur ad curiam pro debito, et sine contradictione debitum confiteatur, nulla emenda inde debetur.

16. Item. Si pro facta injuria vel dicta, clamor ad priorem vel ad ejus certum mandatum fuerit factus, is cui incumbit injuria tres solidos et dimidium solvat pro emenda.

17. Item. Si aliquis in dicta villa aliquem malitiose egrosaverit vel de pigno percusserit, et inde fiat effusio sanguinis, et clamor ad curiam factus fuerit, solutis septem solidis pro emenda, liberatur, hoc salvo quod primo sit passo injuriam satisfactum.

18. Item. Qui malitiose sanguinem de gladio fecerit, videlicet scutello, ense, lancea, sive clamor factus fuerit vel non, sexaginta solidos et d. solvat pro emenda. In omnibus autem casibus de quibus emenda debetur, debet primo passo injuria emendari.

19. Item. Qui falsam ulnam, falsum pondus, ad emendum vel ad vendendum, tenuerint, et super hoc probati fuerint vel convicti, sexaginta soli-